

Lozcwngz: Lwgnyez Louz Youq Ranz Haenx Haisim Gvaq Ciet “Roek It”

罗城：留守儿童开心过“六一”

6 nyied 1 hauh, Lozcwngz Mulauj-cuz Swciyen Anhcen Swngheanj Genhduz Gvanlijiz gyoengq ganbu bae ndaw lueg bya gyae Genh' ai Yangh Dacuz Cunh Siujyoz haiguh “roek it” camnai hozdung, hawj ndaw hag caeuq gyoengq lwgnyez soengq doxgaiq di-yuz, daehsaw, vwnzgi daengj buek laex ngoenziet he, lij caeuq gyoengq hagseng haiguh goemq da dwkgiuz, diemj ndaeng, “epbya”, ndek lanzgiuz, ndek binghbanghiuz daengj youzyenz hozdung, hawj gyoengq lwgnyez louz youq ndaw byalueg haenx haihai simsim angq gvaq ciet lwgnyez “roek it”.

(Liu Gvanghfuz/廖光福)



▲ Yaek fat doxgaiq lo gyoengq lwgnyez angq raixcaix.



▲ Gyoengq lwgnyez fat ndaej doxgaiq angq dwk diuq hwnjdaej.



▲ Hozdung sat le hab' ingj louzniemh.

Sanglinz Haiguh Ra Cunz “Singyaem Maq-muengh” Boux Ciengqgo Nyaeq Hozdung

上林开展寻访“希望的声音”小歌手活动

5 nyied 26 hauh, lauxsae Gvangjsih Yezyinz Habciengquenz, yinhyoz daujshw “singyaem maq-muengh” caeuq Sanglinz Yen Sizmwz Cunh Siujyoz gyoengq lwgnyez au hingzik riuzhengz yinhyoz caeuq yenzswngdai fwen Bouxcuengh doxdoengh, raghai mbawmuq 2017 “singyaem maqmuengh” ra cunz boux ciengqgo nyaeq Sanglinz nem “cingz raeuj sim lwgnyez” riuzdoengh saunenzgungh haeuj hag hozdung.

Mbat hozdung neix youz Namzningz Si Cinghsaunenz Hozdung Cungsim、Namzningz Densidaiz、Sanglinz Yen Donzvej、Gyauyuzgiz、Dangzhungz Yangh Sizmwz Siujyoz lienzhab banh. Eiqsei de dwg doenggvaq yinhyoz godangz、yienhciengz senjleh, hawj mbanj gungzhoj siujyoz gyoengq lwgnyez ndaej bujgiz yozlij cihsiz, vet miuz yinhyoz, ra cunz “singyaem maqmuengh” boux ciengqgoz nyaeq Sanglinz.



▲ Namzningz Si Cinghsaunenz Hozdung Cungsim gien saw buek ndeu.

Gak Cuz Beixnuengx Daih Doxgiet Doengzsim Caezguh Siengjmuengh Cungguk

各族人民大团结 同心共筑中国梦



▲ Gyoengq hagseng diuq fouxfaexsax.

5 nyied 31 hauh, Sangswh Yen Minzcuz Cunghyau Swvu Giz、Gauyuz Giz daengz aen yienh neix Gyanghbingz Siujyoz banh aen “gak cuz beixnuengx daih doxgiet, dongzsim caezguh siengjmuengh Cungguk” Sangswh Yen minzcuz doxgiet “roek haeuj” hozdong vwnzyi cunzyienj nem Gyanghbingz Siujyoz hoh “roek it” youzyenz hozdung. Gij vwnzyi cezmuiz miz gak minzcuz diuqfoux、vaibanj、siujbinj、gagciengq …… hozdung fungfouq raixcaix, cungfaen yienh'ok gak minzcuz beixnuengx caez doxgiet huzndei aen cujdiz neix, nauhnyied raixcaix.

(Luz Vanjinh/陆婉珍)

Lingzyinz: Haiguh “Fwngz Hung Rag Fwngz Iq, Angqyangz Itheij Byaij”

凌云：开展“大手牵小手，快乐一起走”活动

5 nyied 31 hauh, Lingzyinz Yen Siuhfangzdui haiguh “fwngz hung rag fwngz iq, angqyangz itheij byaij” hozdung. 300 lai boux siujyoz hagseng caeuq lauxsae byaij haeuj aen dou hoengz bae “lingz lizgyae” yawj siuhfangz canghbei gicaiz.

Mbat hozdung neix yienhciengz heiqfaenh angqyangz nauhyied, mboujdan gyalag lauxsae lwghag roxyiuj siuhfangz budui, vih bouboux gvansim siuhfangz、bouboux gyahaeuj siuhfangz、bouboux cihsiz siuhfangz caux ndei heiqfaenh, doengzseiz mizyauq haiguh siuhfangz cihsiz senhconz. Doenggvaq mbat hozdung neix, hawj lauxsae lwghag doiq siuhfangz canghbei gicaiz miz engq laeg yinsieng, doiq siuhfangz cihsiz bujgiz caeuq hagrox ndaepfeiz deuzdai ginwngz dwkroengz maenhsaed giekdaj.



▲ Lienh deuzdai.

(Cwnz Lingfangh Liuz Sezbingz/湛玲芳 刘雪萍)